



立齋集

114

~ 16
2424
1



和
2424
卷1-2

立巖集序



立巖集即左贊成閔公所著也
公諱齊仁字希中直隸其鄉也
公之仲子之子曰泰判汝夏甫
亥編次是集仲子公宰安宅孫
印仍閱斯文汝任乃於彙雜之
餘收拾一帙出宰興海郡刻之

宣公長子之子也閔斯文以書
楹余曰吾先祖獲罪蓋在元兇
顯國之日吾先祖復爵又在元
兇伏辜之後被禍之初一家蒼
黃未能裹聚送稿最晚有是集
吾先人豈獲私於先大人之世
秉筆而知吾先世事者惟左右

在蓋為一言淺類未便後之讀
是集者知吾先祖心事乎乙巳
獄成之後人心危懼豈敢出辯
先祖輒與人顯之受罪在多少灾
後不止又極言于躬曰安名世
史筆不可改尹元衡與領議政
尹仁鏡等詣賓廳乃以好為仁

柔之論為之罪庶請羅織以定
人心予斯時也 母后垂簾聽
政大司諫陳復昌持平郊後等
從而和之合兩司庶之劑懇竄
牙外二年以病卒己酉七月十
日也 明廟末年放黜奸兇開
釋無辜 宣宗初改元紹 先

志大需鴻恩先祖亦與復官之
列此其大昭也余詩書而悲之
得是集而卒業焉五七言古詩
五七言律詩排律五七言絕句
賦辭藏銘文認多干篇竊嘗聞
之乙巳之禍公長為臺於密旨
之六不即直斥其非發於諫官

立齋集序
三
彈章人以氣概之公於戊申以
言獲罪之以暴白平生心事而
事迹罕傳後之人鮮有知之者
今就集中詩觀之公贈人詩有
云人事日千緒紛紛相乞非忘
力惟母在將國與公遠已被為
時誤應貽後世譏念懷為誰語

默、送吳歸亦可見公之心事
矣公樂善老士常慕已卯儲賢
一時嘗流咸推為傳人公造五
兩館提學事大表其美多出公
手乙巳 天使至仍人之來申
駱峯辭遠接使以公代之公以
病辭公自少至老喜讀書於經

史無不熟而以謬為本公自
希衣時擅名詞賦於侍文尤用
工而以典雅為主李容齋少許
可深許公之喜遊名山多紀行
或與諸作惜乎各判公之生也
後亦終世得公平生所著述也
今之君子以此而細繹之

可見不煩繩削自合於準則非
老於文學者安能至此哉自古
名公鉅人文集之於罕出於其
子孫公之二孫終始宋之六可
見公之有後也景曆庚戌五月
下泮忠勤貞亮劾節協榮扈
聖初臣輔國崇祿大夫晉原府

立巖集附錄
憶君身知 德遊事柳 根序

立巖集附錄

有明朝鮮崇政大夫議政府左贊成兼
判義禁府事知 經筵春秋館事弘文
館提學藝文館提學五衛都總府都總
管閔公神道碑銘并序

嘉靖乙巳士禍閔公齊仁不能力爭以棟
論者以是病之後百二十有餘年其耳孫
鼎重大受以家狀一通來言曰吾祖有可
恕可雪者其可徵不誣如此遂取攷其狀

則有史草有野史史草則其一乃安公名
世作也安公以直筆被極刑以死則信乎
其言之可信也蓋我 中廟之世有所謂
已卯禍者靜庵趙先生先祖爲之首其後
歷 仁宗 明廟卽位而士類殲焉則所
謂乙巳禍者也時 明廟幼冲 文定垂
簾凶黨旣盡殺名流名其刑書曰武定寶
鑑少違者家立碎公時其母夫人尚在心
痛其冤而不敢直言以爭然傷慟之意屢

發於言凶黨恚恨故公遽遭逐以終按史
文定以密旨諭兩司使除去 仁廟舅
尹任及大臣柳灌柳仁淑等林百齡許磁
分屬臺諫則執義宋希奎獻納白仁傑等
自劾而曰尹任等雖有可論者此非其時
齊仁等亦引避曰希奎等所論切直院相
李彦迪并諸出仕是乙巳八月二十一日
也二十二日百齡磁等諸 闕上急變
文定與 上出御忠順堂李苞等請論尹

任等罪諸臣同辭救解只命竄任罷仁
淑適灌二十三日仁傑啓曰事雖微細
猶當光明正大今內降密旨大失事體
閔齊仁金光準將論啓尹任臣以爲此
事出於密旨不正甚矣齊仁亦以爲然
遂不論此則可矣而密旨初下奔走於
宰相之門有同傳令軍卒是雖出於爲
上慰勞之心而臺諫之體則掃如矣是日
加任等罪有差二十四日適罷兩司下仁

傑于理二十八日鄭順朋復疏論任等罪
洪彥弼尹仁鏡權撥李彥迪閔齊仁安名
世等十五人入對 簾中以順朋疏示之
令議罪彥迪滄泣請貸諸臣亦皆以好生
爲言惟磁及百齡陽救陰激遂賜三臣
死仍致之族初白公來見公曰此事不可
不爭公曰正吾意也但以老母在耳及見
白公啓歎曰誠確論也終不以斥已介
意安公名世史草曰是教之下李彥迪

閔齊仁等顏色慘然餘皆喧笑或有得色者又曰知 經筵閔齊仁 啓曰近來災變甚多定難之後人心無不危懼士氣亦皆摧折人心和平然後災變消士氣培養然後氣節興矣尹任等雖不得不用法而人心危懼有如萬物畏雷霆之威閭閻儒生至曰讀書何用人必如此此乃傷和致災之道也人雖有罪必須寬恕人情莫不欲壽然享壽之道亦以仁厚忠信爲本則

自有荐臻之慶矣又曰豈必罪人進君子退小人則人心自定 經席之上發此言者惟齊仁一人而已此安公特筆也安公既死凶黨議改其史草公又力言其不可於是羣凶駭怒共謀擠陷又史戊申六月左議政尹仁鏡兵曹判書黃憲右贊成沈連源左叅贊任權右叅贊金光準吏曹判書尹元衡同知中樞崔演禮曹判書李薇工曹判書宋世珩等會賓廳密 啓曰亂

逆天地所不容不可以仁柔治之左贊成
閔齊仁自誅逆之後每爲仁柔之論臣等
知此論終必有弊第以勲臣之故只禁抑
而已至今執迷不回乃曰受罪者多故災
變不止且以安名世史草爲不可改士林
之趨慕者皆以此爲是人心士習日趨於
不正此爲根柢所關非輕請罷職 文定
同 上卽賜對 簾中曰所啓甚駭方今
主上幼冲國事專恃朝廷豈料爲國勲

臣者反爲邪議哉 中宗治尚寬仁而凶
勲相仍豈罪逆之致乎安名世褒揚逆賊
而謂其史不可改尤不可知也此人常於
經席捲捲以仁政爲言豈料其意之有在
歟仁鏡曰曩者逆謀始於 主上潛邸之
時終發於 卽位之初齊仁性本執拗謂
其定罪過重臣等恐因此而人心將誤故
共議以 啓其罪則不止於罷矣憲曰趙
光祖誤其一世及其見敗猶以爲是齊仁

常慕已卯之事故見重於士林每發一言人輒誇張齊仁喜其誇張不知自止至曰念及時事仰屋長歎且聞有鐘樓掛榜多有不可道之言 簾中曰掛榜事不勝駭愕我不敢知 主上不當立乎逆賊不當罪乎位高勲臣其所以長歎者何意連源曰齊仁自是已見立論多誤匹夫異議人猶惑之况位高之人乎元衡曰齊仁性本慈祥凡於罪人每欲從輕故儕輩指爲慈

悲僧大臣亦嘗戒責尚且執迷矣演曰其勸行仁政若泛論君德則可矣若施諸亂逆則非也議論如是故士林推重矣世珩曰黨逆之罪甚於逆賊齊仁自以博覽多識人莫我如故所論如是矣是日入侍者必欲加以重律而 簾中只命罷職於是大司憲丁應斗大司諫陳復昌執義李鐸司諫沈逢源掌令姜偉金澍持平李瑛鄭浚獻納李致正言閔篋沈守慶等合 啓

曰乙巳逆狀昭著無疑而前左贊成閔齊仁每於論罪之時多發伸救之議至以災變皆由於此且以名世護逆之筆爲不可改公然發議眩惑人聽遂削勲遠竄史所記旣如此而又斷曰齊仁爲士林所推皆望入相至是被罪人皆惜之野史曰齊仁以伸救士類謫公州衣食不能自給許磁聞之除其弟齊英唐津縣監奸黨使陳復昌李無彊等劾磁云公在謫所日以泉石

嘯咏爲樂登臯臨流隨意成趣若將終身然其愛君憂時之心亦未嘗一日忘也嘗作歌遺懷其大意托於瀟湘之竹擬作倚天之簫盡掃殺日浮雲云俞已酉七月十日公年五十七卒于謫所初葬懷德三政洞後改葬楊州平丘驛西北鳴牛里蓋公於禍初不能正言抗論以救士類其剛直之氣少遜於白公而其悲傷惻怛之心頗乎其至也故其救解之言如石壓而筭

出遂爲凶黨所怒其爲白公所駁者亦以
母夫人在故其事不能遂如其心昔傳秘
閣以重得禍貽親憂不敢忤秦檜然其心
可恕故朱夫子狀其行而直以爲不幸况
公則卒乃爲凶黨所斥而至以宗仰趙靜
庵爲按豈所謂熙寧奸黨日錄之悖是自
然不易之公論耶若使凶黨仇公不甚俾
保其秩祿則公之自白雖用十駕之力無
益於俗不信祇取辱矣豈公真心與善故

天誘凶徒之衷使公坐洗其鱗耶在漢徒
受甫節之毒而不與李杜之流在宋深慕
元祐之賢而終受元豐之汙者無其理也
世徒見公一被白公之斥而不復舒究其
始終欲以一事蓋一人孰知朱夫子用春
秋寬猛之中以論傳公之義哉噫可與權
者然後可以知此也公旣沒二十年爲
宣祖大王之元年也李文成珥諸賢力主
公議盡洗幽冤削去武定之勲公遂追復

舊官觀屈伸公者而可以知公矣其族姓
書曰閔氏系出黃驪有稱道仕高麗爲尚
衣奉御自是聞人達官前後相望遂爲東
方大姓至高祖審言舉賢良 光廟受禪
以判書徵不就年九十餘終于童城曾祖
冲源以遺逸擢拜執義祖諱粹史曹正郎
有能詩聲考諱龜孫典籍以端潔稱兩世
遊佔畢寒暄門有師友淵源妣彥陽金氏
公膽力絕人善歌詠兼通射御幼時作文

大爲先輩所賞公亦自喜刻意勤苦必期
於極致華人嘗見其詞賦曰古騷之流也
公和厚溫謹雖婢僕未嘗惡言罵詈其口
所歷亦未嘗使食也已卯以來人皆諱言
靜庵諸賢公誠心追慕嘗以憲長遂請洗
冤復官蔑貞之後以是爲言者莫公先也
其事親樂志忠養與弟齊英友愛深篤族
人貧者收恤如不及濟人利物無有餘誠
故所在感戴至形於歌謠性喜淡泊雖仕

官日必耽幽勝蕭然自適焉其官自及第
爲翰林歷吏兵曹正佐郎司諫院正言司
憲府掌令侍講院文學弼善弘文館修撰
校理 賜暇湖堂皆極選也如承文院成
均館諸司無不歷踐嘗爲典設守則以嘗
惡於沈貞之子思遜思遜以守爲公祖考
嫌名欲以困殫也陞通政爲吏戶工叅議
副提學承旨大司諫義廣二州牧嘉善資
憲則爲咸鏡南道節度使平安道觀察使

吏刑曹叅判同中樞漢城左尹嘗與權公
撥李公潤慶李文純公滉林公亨秀同修
仁廟事實仍赴京請謚再爲大司憲與
宋文忠公麟壽請罪元衡之兄元老則元
衡起禍日也爲吏戶兵曹判書兼兩館提
學以入侍忠順堂與李文元彥迪諸公同
錄勲封驪原君及以崇祿爲左贊成則
文定時削奪者也公字希中公娶固城李
氏麗朝名相崑之後縣令峴之女婦德甚

備後歿而祔焉男思容郡守思寬禮賓奉
事思安縣令思宣監察側出思寰思宜今
至五六世而子孫殆至累百其顯者孫庫
令汝健 贈正郎汝俊正郎汝信叅判汝
任府使汝儉叅判汝慶汝虎死難 贈叅
判曾孫府尹機以清白顯節度使祿死
國事玄孫觀察使光勳掌令光燾五代孫
著重魁生負及第今爲吏曹佐郎鼎重吏
曹叅判維重觀察使外裔承旨蔡忠元判

書蔡裕後叅判李尚真也有立巖集六卷
行于世余惟公之文章節行過人遠甚而
遭時迫隘略占睽初志爲所掩及其獨復
於積陰之中厄窮悲憤以沒其世亦可悲
也然史筆不沫公議難輕是非之定不待
百年而又多賢子孫豈天定之可驗者然
歟乙巳圭庵宋文忠禱壽以士林領袖蒙
被滯禍余其從曾孫也今於此文誼尤不
敢辭矣然辭甚繁而不敢殺者史家之筆

難於省削之多也銘曰昔歲龍蛇 二聖
繼陟 母后權聽奸凶肆毒礎缺鼎鑊以
待羣哲公在其間始焉震兢姦凶安度謂
可同事公有所守莫適其志曰在 中廟
有趙文正行仁服義師法孔孟今其顛藥
克紹前武推賢辨邪如宋元祐我心好之
常若緇衣彼哉見懷我則思威我思不秘
我舌莫捫既誦於私入告尤勤奸黨聚謀
此不可存吾之阱之卒深其齟流離困欲

顧初彌敦于梓于桑我泉我林我歌且謠
允矣壯心 聖嗣承統羣物一新洗幽滌
寃舊秩追由不有其屯其何以亨孰其屯
之茹心躄形孰其亨之碩儒名卿惟公終
始具在史氏我因修之以篆其隧

大匡輔國崇祿大夫議政府右議政兼
領 經筵事監春秋館事 世子傳宋

時烈撰

立巖集附錄終

立巖集卷之一

五言絕句

客館二絕

空堂伴孤月一枕千里心
入夜杜鵑歇滿

階疎竹林

山月發秋色池荷生晚香
悠悠客中意寄之清嘯長

魚梁二絕

南澗雨初霽西巖雲自生
客宿魚梁上天



寒多水聲

暮投南垞宿隔樹松明火秋水滿空梁夜深魚不下

暮春遊太和別墅

日夕天無風鏡面平如掌停撓繫柳根坐看山月上

碧筒飲

折得芙蓉莖酌以葡萄釀泠泠且浩浩玉露下仙掌

粹然蓮塘聽雨

荷露明如玉池風翠蓋翻南山有雲氣留取雨聲聞

虛川路中

孤城烟氣生暮景澹林垞行邁未能已棲禽時一聲

次般山東軒韻

攬轡桑間道回頭江水西小軒春晝寂時有野禽啼

次順川東軒韻二絕

寒食清明後，淒風夜欲霜。
青松真識面，儼立客軒傍。

去歲過長嶺，今年還鴨江。
猶餘斗許膽，抵老不曾降。
長嶺三

贈燈谷上人別

相逢復相別，一笑香山路。
時見山中雲，悠悠無定處。

過黑遲脫

在長洞狄
踰兩館間

細雨清江曲，林深路自分。
數聲長短笛，吹徹萬山雲。

題枕

窓外胡風打城頭，戍角悲歌為安寢計。
唯願夢丹墀。

戲呈汝珍

羅巾辭素扇，微上護慈尖。
願托綢繆意，休教妾淚沾。
珠解扇巾與
琴兒故云

夜坐書懷贈張陸之之行用前韻

悄悄仍三夜悠悠復幾時
臣心只如許却恐北辰知

船上偶詠二首

小醉倚蓬窓夢中聞鷗鷺
舳舻戛渚沙忽覺春江雨
逆灘牽百丈舩疾波生白水禽相與喧烟柳千枝碧

七言絕句

踏青有感次黃內翰恬韻

長在鑿坡逐後塵
滿宮烟柳已驚春
踏青佳會今朝是
携酒尋芳問幾人

至光州夜聞笛有感

孤臣千里謫來初
籬落蕭條竹影疎
枕畔一聲何處笛
蕩殘燈暗夜窓虛

雨中二首

烟雨冥冥籠翠微
山村寂寂入蹤稀
清溪

水繞九峯碧
簑笠漁翁歸不歸
近山蒼翠遠山微
南陌西橋人度稀
把釣初從綠溪去
夕林終待露深歸

秋夜二首

虛堂夜寂夢初醒
萬慮都消一氣清
還闌此心纔靜處
只緣窓外有秋聲
虛閣沉沉夜氣涼
山空月落角聲長
幾番清夢歸天闕
一歲秋風卧海陽

雨中友人題詩蕉葉以寄余
次韻答之

瘦骨魁形楚客醒
閑將蕉葉遠分清
山齋九月無端雨
減却階前點滴聲

月夜訪德夫

幽人遠向長堤去
烟樹微茫六里許
竹杖聲高月正明
眼鳧驚起水深處

次韻

天壤吾身眇一毛
驅馳世路亦徒勞
衡門自有滌然趣
最是東林夜月高
松作容顏菊作心
風為襟抱月為吟
年來

病患添衰暮短髮蕭蕭不滿簪

題希仲謫所二首

居閑物理辨秋毛休把詩書謾作勞
麻骨為籬障遠眼平墟喬木數枝高
幾人斯世托知心今日逢君輟酒吟紅
粉不知情抱異謾成癡笑更低簪

次韻

衰病年來歎二毛低昂酬世未堪勞
相逢故舊還明眼不覺詩肩一尺高

逢君却恨晚知心萬斛情懷共醉吟
從倚小軒同笑語遠山凝戴碧千簪

贈僧道暹

人寂荆門死每遲幽懷不似少年時
偶然逢著山僧訪來自溪龍為索詩

平生遠志未全摧倚杖遙吟日幾回
聽說山中春尚早野村強半雜花開

重興寺僧詩軸

自作官來病患隨不遊山久亦吾衰
逢僧

為問重興寺流水行雲似曩時

夜雨

蕭蕭山雨入深秋此夜幽人無限愁黃葉
潛零蛩語斷青燈挑盡小窓頭

獨坐春秋館偶占一絕奉呈周學士

深院無人花自開一庭苔色近窓來春秋
館裏坐何事秉筆慚非良史才

次韻

杜宇薔薇次第開院中遺事至今來龍

鍾舊物懷猶放效步清吟愧不才斂之

次韻詠院中杜鵑花

地近偏承雨露開天香入我袖中來嬋妍
不合龍鍾翫潤色應須學士才

又作一絕呈景遊士吉求和

花開迎雨雨催花花雨明朝春共過寄語
玉堂周學士一年行樂奈君何請與同遊
不來

黃宋句

次韻

午睡昏昏病眼花
夢回春雨一聲過
玲瓏重故人詩贈我
高才驚喜倒陰何

次

盡日耽看檻外花
多情唯鳥自相過
江南春色知多少
不見如今五載何

景巽翁遊

富平道中

暖日和風晚景清
孤雲遠映碧山明
迢迢客路平蕪外
馬首鷓鴣上下鳴

聞之笛

城北城南長短聲
乾坤無地托殘生
平生漂母相逢少
但願年來百穀成

六月十七日泛舟麻浦

一卧江干歲自遷
無端愁緒雨聲邊
楊花渡上龍山浦
夜半漁燈照客船

次敬夫韻

浮世人情不可知
九疑三峽杳難期
掛冠早晚從君去
垂却清江百尺絲

寄景繁景雲

何處遊人上翠微
滿城花月笛聲飛
觀燈八日渾如舊
自恨年來會面稀

次公望韻

閑訪松亭又石巖
溪源從此擬窮探
青菘白酒蒼山暮
細雨斜風釣碧潭

送舍弟歸觀

謫裏幾番魂夢飛
天涯獨與汝相依
如今作別白雲外
心送庭闈身未歸

次韻

山村秋日飽清涼
宦味何如酒味長
偃倒林間松栢質
葵心祇自解傾陽

直舍偶吟

四十年来事已非
悠悠身世只心知
開窓獨向東墻下
和雨移栽菊數枝

次韻奉別蘇知事彥謙赴燕京

別路茫茫春樹外
離筵草草暮江濱
遙知故國多情月
到處分明照遠人

千遭百匝燕山路
白雪黃雲鴨水濱
落

日不知分手去只緣俱是望鄉人 彦謙

次方山壁上韻

風烟絕塞魂頻斷刀斗孤城夢不牢午夜
開窓邊月白一聲羌笛亂峯高

望山火有感

野火年年為采樵昆虫草木等歸焦春來
又見圍山起從此令人勿復燒

江上送朴書狀奎報崔質正演之戲成一絕

芳草天涯欲夕陽客行無語馬嘶長多情

獨有江邊石解入佳人小錦囊 凡赴京者到此必與

佳人剖石分持以為還時相信之資故末句及之

次韻上鄭靜叟

天碧江清不見雲亭前月色白紛紛虫聲

又攬幽人枕一夜秋懷已十分

夜看星月晝看雲遊子難堪夢想紛推枕

獨吟聲未了小窓聊與草虫分

十九日出天磨洞

出谷辭蘿日又曛歸衫猶帶北溪雲回頭
欲望徑行屢萬樹千峯路不分

釋伽村川上口占

野外蒼然暝色遲行隨溪柳玩清漪黃昏
更向沙邊坐閑看前灘蠓下時

歸途有感

憶昨天磨山谷裏倏然杖履一閑人如今
却向龍灣去薄領叢中落此身

九月九日邀冬至使鄭雲卿管押使元

壽甫點馬金有初書狀南可封質正鄭

中遠遊九龍淵次雲卿韻

野菊山菜共此辰霜橫榆塞鴈初賓不妨
江路風歆帽莫問齊山感嘆因

龍淵落帽作佳辰未減征西座上賓祗

是風江平不得明朝離恨已相因

次韻

厭厭歌謔夜何長扶醉都忘放下堂閉閣
不曾消午渴夢從仙子覓瓊漿

抄秋上浣醉中不謹詩以謝愆

清樽紅燭共宵長不隔嬌嬈到後堂醉

裏在言醒可謝日高三丈索米漿

雲卿

次韻

西浦無人日已沉夜深回棹獨傷心阿誰

最是多情思座上纖腰淡不禁

雲卿帶西京妓楚腰

纖綺愛之故有末句

留是西邊去異鄉一宵贏得鬢滄浪相思

欲識丁寧意前有三篇後五章

行行幾日過遼城遙想文星照漢庭千里

歸軺衝臘雪鴨江楊柳未應青

西到龍灣無舊識逢君忽別淚垂雙年來

許國身偏老一片心旌獨不降

相逢已覺鄙萌除此別那堪思渺如一閭

詩鋒安敢敵十分新釀待君醺

將渡江謾錄五絕呈希中使君無奉

同行諸公

塞草連天塞日沉離歌均惱去留心向

來制淚吾差熟今日當遮自不禁
回望龍灣是故鄉一旬休暇醉淋浪
鴻不阻遼天遠別後丁寧寄和章
身無節制鎮邊城威略旁敷讐虜庭
非久承明當赴召回轅那得眼俱青
詩到龍灣難出手聲金振玉自無雙
非才舉和同驢磨吐軟雌聲已豎降
默數逢迎在歲除歸來煩費復何如
詩材準備非公事只問官厨臘酒醺
異御

龍灣贈客

音書千里謾寥寥頭雪逢春不肯消
誰見塞垣為客處夕陽城外打寒潮
春水初生遠舊痕萬條烟柳護江村
問君西笑何時返斜日龍灣獨倚門

青水路中口占

青水清城一望中長江一道綠溶溶
胡山最是多奇險烟樹蒼茫幾萬重

老上洞

洞在青水里北十餘里

白沙翠柳野五里鐵壁丹崖江百尋隔水
杏花為誰發離家遠客空復吟

孤柱巖巖在清城境

孤柱巖高孰可超根蟠江底首昂霄傍人
莫作無心看風浪當前自不搖

余舟過鴨江見江邊花柳各占一春紅
綠相輝終無天折之患第念地僻無人
尋問徒自開落於空山遠水之間是可
惜也因成一絕

江柳青青千萬枝山花開落幾多時夕陽
空谷無人問春至年年只自知

白鷗

江渚水魚後復還傍人猶道白鷗閑世間
誰是無心者一笑悠然見碧山

夜坐庵畔松臺詠二絕

千江縹緲一天清坐久松臺嶺月生蜀魄
不來山杏落香繁夜三更

臺高月近靜無風岩壑寥寥萬籟空夜氣

透人留不得却懷清興入庵中

東庭偶吟

梨花樹下據烏床吟罷憮然一味長更有
清風隨暝色霏霏香露滴衣裳

苦雨有懷

陰雨踰時日斂暉水生山野歇芳菲却愁
中道橋梁絕千里家書到復稀
孤寂從誰慰旅懷小塘相對伴鳴蛙雨中
久不開窓看砌下綿瓜已上階

晚起

使君眠食太閑安簾影橫窓日幾竿無訟
邇來常晚起獨聞羣雀語簷端

吹雲卿韻

客裏光陰空荏苒年來世事更紛紛披故園
正在荊江上何日南歸理釣絲

風雪

密雪頑雲覆地平千村萬落趣無聲黃昏
忽作回風起打戶鳴扉到五更

次仇寧壁上韻

古戍斜陽鼓角聲山河萬里倚孤城夜深
鐵笛吹邊月無限歸心夢不成

官奴命長年十六七

能吹鐵笛是行并帶

板幕嶺

在碧潼境

板幕嶺高臨廣漠長林邃谷遠縈迴鳥邊
一路分南北終古行人少往來

映碧亭次壁上韻

獨憑危檻翫清漪江到亭前逝更遲雲盡

亂山風不起練光斜映夕陽時

宿上土堡

孤城繚繞枕寒溪雲樹關山路自迷一點
燈前殘夢罷五更風雨政淒淒

詠老檜

空山老檜處身深高入青冥十里陰
不來非所恨嘯風吟月一生心

梨嶺北谷二絕

伴鳥隨雲信馬歸亂山微雨晚霏霏道傍

高樹多松絡風過時時露滴衣
青山漠漠雨冥冥短帽輕裘緩緩行十里
長林梨洞路耳邊無處不川聲

梨洞堡二絕

山長水遠路縈迴梨洞春深客獨來滿壑
香風烟雨裏不知何處一枝開
蕭條古壘碧山坡板屋纔看十數家夜戍
晝耕春事苦無人持酒訪梨花

宿揪坡鎮

風雨孤城夜未央旅窓燒盡一條香天涯
倦客三春夢半逐江聲到洛陽

途中

回首攢峯幾百尋小橋橫渡一川深只慚
客路匆匆去孤負湖山萬里心

立石館次壁上韻二絕

迢迢旌旆歷重關江館全宵月欲彎塞上
三年歸不得鏡中非是舊容顏
高堅一石半空橫看到江皋為按行卓爾

誰知心內事路人唯見立崢嶸

下狄踰南洞

翠壁重重雲外矗清溪曲曲樹邊遙斜陽

短笛春山路信馬吟過十二橋

題立巖

巖在狄踰長洞兩節間臨江峭壁前成巖間

其名則立巖云

屹立風濤百丈奇堂堂柱石見於斯今時

若有憂天者早晚扶頷舍爾誰

梨亭晚酌次韻

清心堂下坐梨亭風度飛花滿地零邂逅
親知千里外樽前只是十年情

次韻

即在江南路幾千欲成歸夢却茫然青樓
夜寂無人伴花影移窓月近人

次金化壁上韻

老木蕭疎山下懸蒼烟隱映水邊家憑軒
料理人間事勞貴閑貧樂孰多

次淮陽韻

金剛東望屬秋晴
猿鶴如今摠舊情
萬二千峯迷處所
無人爲我說分明
青年浪迹總成陳
擬瀉東溟淨塞塵
莫道將軍無雅量
溪山曾是一騷人
征旆遙臨塞上城
長風吹霧海天明
孤燈幾度丹墀夢
午夜頻驚畫角聲

至海邊望國島十餘里風亂不得往遊
孤島遙看碧海中
千條石出水精宮
清遊莫恨風濤阻
仙境由來未易通

次文川韻

海上峯巒一髮青
荒城桑柘午鷄鳴
山菜野菊重陽近
誰把香杯慰遠行

魚面堡次李觀察思鈞韻

一江天塹隔群胡
繫頸單于愧壯謨
杖鉞橫金吾亦足
解紛思訪赤松徒

早發魚面即景一絕

曉日遙臨千萬峯
宿雲消散翠重重
揮鞭更向江邊路
鐵笛應驚潭底龍

次城韻

天教兩水護孤城鐵壁初煩鬼斧成幸值
昇平刁斗靜將軍無事卧行營

避寓惠山鎮感懷

行營有病氣六月十日移避惠山八月

初二日還甲山

春夏虛川癘氣驕艱關更到惠山遙塞垣

不獨人烟少鶯語蟬聲摠寂寥

虛川甲山舊號甲山

蟬以此鶯不至

秋月分明滿戍樓胡山咫尺使人愁枕邊

鼓角驚長夜更有江聲不少休

病中詠懷二絕

胡山八月雪風吹卧病窮邊百所思却憶

故鄉千萬里傷心一夜鬢成絲

戍樓更鼓苦喧闐明滅孤燈夜似辛京國

遙遙醫藥絕只應生死付蒼天

舟過江口

津名在神方魚百間二十九里

白石蒼苔峽口深秋江落木正蕭森臨流

不學騷人詠擊楫空懷濟世心

過峽

峽路斜穿林木稠紛紛落葉泛溪流峯巒
萬疊白雲遠長笛一聲山更幽

李松嶺

巨嶺嵯峨俯朔方纜通一路似羊腸秋風
落日關山外策馬重臨鬢欲霜

火致嶺

萬仞岡頭一路開前驅遙見鳥邊迴據鞍
不敢揮長劍絕頂翻疑近上台

石水嶺

杉檜濃蒼白日陰入雲幽逕轉崎嶇溪風
嶺月渾閑興未慰征夫萬里心

重過林亭有感

即畫飯處也 在三水郡
魚面堡之間 負山臨水

景致
最絕

方春來又暮秋歸風景隨時各自奇最愛
林亭留不得北山猿鶴定相欺

赤乘館

山椒郵館接烟村覆板為家木作垣水杵

自眷林影裏依然磳巷近桃源

熊耳驛

郵亭寂寞枕山根守卒唯餘一戶存
幾箇征夫來往處年年長叩主人門

終浦驛

皆甲山地

田唯瞿麥早霜憂四月纔耕七月收
特地逼天星斗近客窓偏覺冷衣裘

下厚致洞

巖迴石曲路繞通澗水幽鳴洞府空
黃葉

自飛風不動夕陽時照萬林中

厚致洞中有一巖石甚瀟洒下馬暫憩
與賓佐設小酌詠興

步入幽溪坐石間巖巒曲曲水潺潺
前林落葉飛無數時有清風入醉顏

三月念四發端川向吾足堡路中得一
絕

石路縈迴綠水濱花開無數柳絲新
烟村恰似桃源境欲向林間問主人

余與全叔老金孝善並轡向吾足堡使
妓工前導孝善在後醉令從者皆拍手
叫呼曰是何前聲低而後聲高耶余即
於馬上口占二絕以戲之
亂舞爭歌醉興豪前聲低唱後聲高烟花
萬里關山路遠客都忘馬上勞
橫槊雲中意氣豪據鞍飛過亂山高雄圖
未繫單于頸職分寧知從事勞

長嶺遇雪

短策輕帽登長嶺四月天寒雨雪紛洞果
林深迷去路笛聲時出萬山雲

過大洞林亭有感

沿途水石儘清幽最愛林亭枕碧流層嶂
小橋看仔細只緣無計更來遊

黃水院路中

板道生塵馬澁蹄半邊杉檜擁高低過關
不見人居處林下唯聞恠鳥啼

新路洞中有感

谷中流水漸粼粼策馬穿林屢側身長笛
前途休更弄關山獨有望雲人

十五日早發甲山向同仁路中得二絕
川路迢迢草色稠野花開處暗香浮
似識幽人意下上飛鳴不自休

孤城前面繞重岑郭外寒溪響水砧
芳草野花歸去路秋風吹雨過山陰

雨中登馬山德

時東南北昏黑不辨岳
瀆唯白頭山豁然呈露

異

遠從川路陟巒岫飛雨冥冥十里間
多謝天公還慰客捲雲呈盡白頭山

虛川路中

山雲度谷樹連天一鳥飛鳴深澗邊
細草微風三十里斜陽隨客到虛川

次慈山東軒韻

一區清興屬芳年薄牒如何鬧眼前
步上小亭聊遠望亂山春色也無邊

登偃武亭舊址

偃武亭額餘故丘雙雙鳧鴈滿汀洲長江
萬古西流去幾被行人棹小舟

次江西東軒韻

亂峯都入小亭前嵐翠霏微濕綺筵一陣
風成終日兩山靈無乃滯儒仙
倚墻花樹眼偏明瀟灑林亭一倍清咫尺
相看歸不得只緣山雨正濛冥

孟山路中

渚草年年一度華川流無復見回波古今

逝者皆如此惟有青山獨不磨

孟山東軒韻

萬壘山中一小丘蕭然官舍枕溪頭石田
茅屋居民少初夏風光似九秋

成川江上

春風江上杏花村垂柳陰中百鳥喧山碧
水深人寂寂不知何處問桃源

重過城干驛次韻

入門仍記舊遊年匹馬重關路接天杖藜

古今成白首山河風景總依然

惡流亭次潘觀察韻

江界也

激激滔滔閱幾霜奔流直欲振林岡區區尺水休論量千頃洪波未覺忙

鷺岩二絕

順川地

削成蒼壁萬尋強倚薄青空俯大荒一望令人增意氣飛登直欲駕鷺鷗
屹立巖巖孰可當崖寒石滑凜秋光蒼顏萬古還如昨流水行雲太自忙

川上悼友人

川上遑遑有所思川流衮衮不曾遲故人泉下不可作逝者如斯寧不悲
逝者如斯寧不悲斯人心事有誰知深憂大計都拋擲長使孤忠獨涕洟

登平寬臺二絕

江流衮衮石崔崔欲問前朝恨不裁雲斷碧空秋日暮楚王臺上醉歸來
松壤唯餘屹骨城興亡千古暮江聲舊臺

秋草行雲盡十二峯頭月獨明

登寧邊東臺

穿雲降確上東臺萬古關防入眼空山抱
城迴如鐵甕嶠函不獨擅秦中
形勝東臺協舊間石危松倒老苔紋騰身
萬仞凌寥廓俯視香峯半入雲

三月三十日與都事尹公子器發開平
館入香山路中

開平初發望香峯積翠層層半入空蒼剝

不知凡幾處烟雲萬壑有無中

洞口江深碧玉流臨江崖壁綠林稠無邊
白石纖塵絕安得夢君滿意遊

洞深何處有禪家行看雲岑詠碧波到得
山中晴亦好輕風細雨儘堪誇

引虎臺

在上院
卷前

引虎臺頭霽景新遙看雙瀑下天紳若為
借得清清水洗我曾中一斗塵

贈僧了玄

上院養前百丈流憐渠隨我到林立浮雲
一去無蹤迹何處重逢說此遊

寄林從事官亨秀

時以病在宣川

香嶽飛流掛九天尋真問寺入蘿烟孤吟
萬壑千巖上却憶親朋瘴海邊

狄踰館次韻

窓外唯聞一水聲屋頭相對亂山橫空庭
入夜添岑寂烟雨前村火獨明

狄踰洞口望白山

紅塵七載夢魂勞蓋向清溪照二毛雲散
碧峯收晚雨白山依舊向人高

下狄踰北洞

佳木千章蔽洞天日高猶鎖上方烟夜來
風雨生新漲石棧苔橋半沒川

次江界東軒韻

塞垣為客十餘年西北關山路接天禿魯
江邊三度過孤城烟樹却依然

直過伐澄浦堡後前韻

地屬江界

檻外尋常見綠綺流清澈底故遲遲遙持
白髮來相照却羨長江似鬢時

次大朔州客館韻

殘堞周遭小洞開歸驂遠與暮鴉催庭前
落盡梨花樹却恨尋芳不早來

次旣山壁上韻

庭空樹靜澹秋陽坐對窓前一炷香兩紀
開西成底事徒勞玉節走途傍

去歲登高鴨水陽山花踏盡馬蹄香今年

底處逢重九準擬酣歌野菊傍

求柔客舍有感

庭果離離滿樹垂暮年心事更衰遲秋風
遠客思歸處落日栖禽欲定時

次青龍寺僧詩軸韻

宿昔青龍一布衣石泉喬木叩禪扉舊游
人世今誰在衰朽猶能送爾歸

贈山人

上人無迹本空飛岩壑生涯一衲衣邂逅

立巖集卷之一
關山千里外浮雲流水送將歸

立巖集卷之一

立巖集卷之二

五言四韻

同年友鄭子仁亡母挽章

夫人亦吾母博士是年兄忽聽人傳訃驚
呼我失聲終天埋永恨繼世有長榮故宅
春還到依然寸草情

漢江留別諸友人

孤臣辭北闕千里請南陽別馬嘶將去情
朋淚共垂路迷湖嶺遠帆度漢江遲莫怪

形容敗中心自不移

次同福客舍壁上韻

人生何自苦行樂及芳年不擇詩工拙宜
無酒聖賢兩山秋入畫風竹夜鳴絃坐我
備然境蓬瀛豈獨仙

同福路中詠懷二首

今年又云暮客况正悠悠虫響初長夜蟬
聲忽早秋登樓仲宣恨看鏡杜陵愁宇宙
人同寄他鄉亦可留

謫裏逢佳境林泉滿意清寧辭陶令醉不
學屈原醒山入長雲迥天連大野平客懷
秋轉苦迢遞洛陽城

送郭進士還京

公是父之友平生愛我深春風對顏面冰
玉照曾襟此日忽相別何時能復尋山川
秋欲暮獨立淚難禁

晚發

短僮愁日暮羸馬怯行遙野白霜連草川

明月滿橋村有吠窮巷塞鴈響寒霄臨道
莫輕近還家已半宵

養駒

駒得耽羅種神奇世未曾良心知愛主逸
氣已超朋皂櫪誰能屈天衢自可騰客窓
聞夜斲挑盡五更燈

喪駒

爾死真非命吾心益自哀雄魂飛烈火壯
志委寒灰我豈留神物天應惜駿才千金

寧買骨今世恐無媒

公州路中遇風雪乘昏入東學寺

日暮迷歸路空山白雪深安知飢虎伏已
聽訓狐吟老樹寒聲起高峯暝色沉禪宮
應不遠鍾磬響前林

宿東學是夜雨大作明日猶不晴溪谷
漲流雲霧籠山正如春陰癸未十二月
二十七日也

冬雨似秋霖頑雲不解陰雪消溪壑漲潦

五言集卷之三
三
出道途深敢有充天意徒懷濟世心
曉鐘驚旅枕愁緒繞煩襟

曉意

小屋饒春雪幽人擁弊袍
簡篇堆滿架燈火分無膏
鳥聒眠初覺窓明日已高
詩成欲題壁凍筆未濡毫

漫成

平生吾有癖雅性愛幽清
山色是佳色溪聲非惡聲
聞來即忘味見處每留情
此樂

堪終歲何為慕帝城

暮秋有感

天運自相代物生終有歸
百虫俱歛響孤月獨揚輝
慶世全將半行身昨已非
三秋猶去國魂夢轉依依

請去光州時到虎洞留別鄉友

湖海為遷客鄉村逢故人
開樽酌新釀藉草展芳茵
鼓響青山外歌聲綠水濱
杜鵑如恨別能遣我傷神

次韻

為惜三春景都無一樹花况逢相別日須
聽可憐歌知己真難得如君復幾多今昏
倘來過擬共醉中譁

途中偶吟

暮醉江舟上朝飡風柳邊渚雲迷遠樹溝
水滿平田鳥變春前響花餘雨後妍晉行
猶未晚且莫惜流年

贈友人

自家存直道君是聖之徒尚友斯為善名
溪未擬愚立心要落落干祿信區區汶上
思歸子殊非淺丈夫

少日成魚隊中年作酒徒兼才君未達昭
代我還愚不義奚三釜閑居可一區今人
無與點爾自許狂夫

送蘇內翰遊頭流山

有羨南遊客青春得意人班居文苑舊名
錄玉堂新鶴洞行尋隱山村望若神鶯花

滿溪路詩興屬芳辰

送金學士歸覲慶州

巨府羅都勝遺音玉笛悲行行探舊迹故
故費新詩壽酒春光動賓筵舞影遲送君
還有感非為別中思

復以前韻錄呈仁禱

憶昨銀臺上如今嶺路中志輕千駟富身
作一窮儒夢濕榴邊雨吟寒竹下風殷勤
問秋事移菊小墻東

虛館秋風早幽林暮景清有錢人盡醉無
酒我長醒歲律空相代虫聲自不平此時
幽客恨炎雨暗孤城

南溪觀漲

驟雨前溪漲驚濤駕野來懷山奔萬馬觸
石吼千雷大釣竿應折輕舟楫恐摧孤鷗
吾與爾泪没欲何哉

躑躅花

甲第薰香氣南園躑躅花紅迷錦步障輝

映碧窓紗可惜三春色能存幾日華明朝
忽風兩行樂竟誰家

過興福寺故基因憶舊遊有感而作
寺破山川在曾遊二十年龍鍾猶白首故
舊半黃泉金碧輝煌處烟林縹緲邊存亡
何獨是世事亦推遷

次龔天使韻

宸翰優東國綸音輟講筵飛黃騰海路數
錦耀春天有酒難投轄非才願執鞭鶯花

行欲老離恨逐流年

春坊有老杏病蠹葉殞最早

老幹東清裏先秋已殞黃根危從蟻穴皮
拆任蜂房一氣非全泯孤身尚未僵所居
如得地雖死亦何傷

登統軍亭

西塞山河壯登臨思渺如江分夷夏界亭
近斗牛墟胡馬無來牧唐人有接居夕陽
鳴盡角扶醉上肩輿

發麟山向本州

快馬麟山路抽身簿領中受風毛扇冷映
日絲纓紅旗脚穿雲轉螺聲落海雄遙看
江上鎮粉堞隱長空

將往遊佛藏菴出城有吟

聞說佛藏洞山深蕭寺幽呼童理鞋杖秣
馬向林立霧霽江分曉霜酣葉受秋翛然
心境爽便欲脫羈憂

宿釋伽村

孤村在溪北暮夜水邊行不見人居處唯
聞犬吠聲幽扉敲月暗破壁對松明曉起
咨田老何能樂爾生

邇來不教作詩頻蒙朝譴僕豈執虛
讓者此所謂詩句對君難出手公自
知之謹奉三律求教

前批鑿臺舊傍珠鴈塞今飲水虞恭命
食藥見清心蘭室知香襲蚊山愧力任
雷門持布鼓安敢語相侵

孔李通家遠雷陳托契牢賓筵居最右
年紀序偏高作別懷空惡當歡首屢搔
共分千里月撫景獨含毫

落帽罔頭卧逃筵閣裏過詩成按簡數
醉吐汚茵多脫略風流甚遺忘禮數苛
似公相待少懷惠欲如何鄭士龍雲卿
謹次三韻錄奉行軒聊抒鄙意詩云乎
哉

李杜名聞舊陰何句見今銀臺曾忝契紫

塞始輸心泣璧應終售憂天謾自任鑿水
吾亦已空得鬢霜侵

開篇吟未了失筆握難牢擲地聲應細爭
秋韻更高腰頑行覺散背癢坐忘搔勺水
知多海從今謝鈍毫

雙輶鴨江上佳節與相過菊帽將風重花
鞍得月多詩情不禁苦酒罰敢辭苛明發
燕山路冥鴻奈爾何

次龍川壁上韻

久擬龍川賞今從鴨水過周道山上堞隱
映樹邊家塞鴈窮秋少邊雲薄暮多夜來
仍獨坐松月透窓華

乙未二月旬後送李禎父遊金剛山

羨爾尋真去飄然興有神巖巖供勝景花
鳥媚新春野草從燒復江雲過雨因出門
塵滿面多愧未歸人

發方山向清城路中即景二首

攬轡方山北清城遠渺茫江分峽南北路

出水中央日入胡天遠雲連塞樹長一聲

何處笛孤客正銷腸

十里江邊路吟鞭緩緩行衝波客衫濕踏

石馬蹄鳴野鳥栖林靜山花映水明夕陽

歌吹動牽輿入清城

老土洞

洞在青水堡北十里

絕壁滄江畔遙吟往復還獨憐青草靜相
對白鷗閑野杏開空谷岩松倒碧灣遊觀
雖信羨不是故鄉山

發清城舟中即景

蒼江十餘里歸棹發清城
花重山疑染船輕岸欲行
水禽斜度影風笛遠飛聲
鼓柁仍孤嘯新詩忽已成

金剛洞口

纔到金剛洞已看秋月庵
清川下幽谷蒼蘚被枯楠
樹密生新葉花明倚古巖
少休溪上石長嘯入烟嵐

曉起開窓峯巒秀出下有雲霧蔽野喜

成短律

開窓俯下界極目總雲霞
大野成滄海遙岑露翠螺
溶溶來脚底漠漠散天涯
珍重山靈意應教變態多

菴中晚坐

禪榻焚香坐憺然興味多
庵依苔石靜松近小窓斜
萬壑微茫樹千峯爛熳花
客來應未遠時聽隔林歌

次宣川八愛亭韻

風烟渺無際危構合雄州人寂水空逝鶴
歸雲獨留天低接鵬翼海闊點鰲頭弓馬
倦遊客登臨聊解憂

秋夜回文

碧天寒瀉露寥寂正愁心客久留秋塞螢
孤度暝林白雲長遠望清夜獨高吟脉脉
空懷抱悠悠想古今

出獵

角聲吹睡起霜氣曉淒淒古塞低寒月荒

村叫暗難分兵森劍戟張網擁山谿殺盡
狼狐族歸來日未西

秋暮思親

望望瓜期迫悠悠蝶夢遙不愁年已老惟
恨日難消鵲嶺飛秋葉龍灣落暮潮思歸
遊子意到底更無憊

送軍官呂平之還京

君今向京洛我獨滯窮邊白雪迷胡地黃
雲滿塞天一杯頻送客千里又經年甘苦

相親甚臨分益黯然

雪夜二首

雪夜龍灣上渾疑是剡溪無人敲戶至有
月近簷低倚杖心偏遠呼樽興已迷却成
懷上思愁寂小窓西

開窓當雪夜極目異山溪漢月臨關近胡
天接塞低荒城連戍遠苦角報更迷坐久
空搔首三星已向西

過廟洞於丁兩堡

昌城境

廟洞經殘壘於丁覽故疆強胡昔充斥怨
骨此銷亡崖路空春草江波自夕陽何當
掃窮漠不復事關防

大嶺

在昌州碧圍境

攬轡昌州北停驂大嶺東水消鳴石澗樹
動響山風馬首雲猶靛羊腸路不窮憑危
一長嘯天地杳然中

踰雙嶺

碧潼境

雙嶺雄相向危梯鳥外通江源連海盡山

勢到天窮撫劍臨西塞騰身御北風將軍
平虜志都在縱觀中

巨雙嶺南洞

碧潼境

異地尚行客窮山非隱淪無邊喬木裏不
盡綠溪濱一壑猶殘雪千林欲暮春吟鞭
獨歸處雲物摠愁人

巨雙嶺

理山境

登臨巨雙嶺異域邈難分大地皆山嶽長
天極海雲開樽斟斗飲吹笛隔河聞欲借

雷公手歸來震虜群

巨雙嶺北洞

北洞如南洞中天一嶺橫逶迤下谷遠隱
映得川清境異愁風勁林深喜日晴陰崖
猶積雪羸馬滑難行

渭原途中

倦客思家久春山興欲迷吟鞭遙出谷行
路半沿溪野笛連禽語江雲觀馬蹄回看
登眺處天外數峯齊

三蛇嶺渭原江界境

迢遞三蛇嶺蜿蜒一路迷人行雲襯履馬
度樹承蹄江雨生春漲山風送晚凄野禽
如有意時復隔林蹄

江界路中見高巖巨石崩崩江上奇峻
可坐乃下馬登眺因設小酌書岩石上
沿途多勝賞隨處每停鞭老石歌吞水孤
舟遠入烟潭清魚共樂沙暖鴈羣眠客子
綠何事三年尚塞邊

映碧亭次壁上韻

江濶登臨地春風欲暮時隨雲行塞外伴
鴈宿天涯水氣孤衾冷波聲永夜悲覺來
聞戍角邊日上窓遲

江界途中

漠漠王山下遙遙狄水潄峽危愁去馬林
靜沸鳴禽西塞三年客東風萬里心白雲
時入望回首欲沾襟

次仁風樓韻

野路踏青過江樓張樂聞斜陽迷塞雨斷
鴈落邊雲城塹周遭在山河縹緲分仁風
方遠暨不必耀三軍

過長安洞登黑崖

江界

求石窮幽境風烟覺異邦半空歷危棧無
地俯深江茂樹蔽崖穴蒼苔滿石石脩然
下馬處鳴鳥復雙雙

過黑崖詠川上絕壁

鐵壁橫千丈巉巖入半天石危渾欲墜松

倒正如懸獨立迎關月多情帶塞烟天教
更奇絕故繞一清川

下狄踰南洞

邃壑巖仙境高林蔽日光千層鐵崖壯百
曲石川長勝賞真非偶羈愁便欲忘重來
安可卜却恨此遊忙

長洞館次潘使相公公韻

客路多危險征驂強叱驅天連窮塞盡地
入大江無水宿同鷗鴈山行類狄鼯西遊

珠冷落馬後短於鳧

遊金剛山秋月洞

萬木開新葉千峯擁晚晴平生山水樂此
日弟兄情去帳隨陰密揚埃得澗清憺然
開酌處歌管不停聲

亂占高低坐交傳大小盃岩泉數層瀑溪
樹半身苔此地尚堪戀他年難復來前途
或歌吹歸馬不須催

次聚勝亭韻

塞垣愁久滯亭榭懶來憑伏櫪成羸驥搏
風愧大鵬山連三島遠天接一江澄欲與
民同樂唯思歲屢登

登臨思遠道快馬欲馳奔鶻岫橫高昊胡
江撼厚坤秋風生白髮客路又黃昏戀主
誠猶薄三年尚塞門

次金化壁上韻

小縣依山麓川長路更賒霜林如酩酊風
葉學婆婆暮靄籠高柳秋陰護短莎據鞍

知任重何術衛王家

次金城壁上韻

層崖高幾尺下有碧江流渡口橫孤艇林
間見小樓斜陽催遠客落葉謝殘秋笳鼓
歸來日清樽擬壯遊

次定平東軒韻

此身曾許國浮世任飄蓬壯志輕關路衰
眸怕海風夜窓頹倦客寒浦叫孤鴻自顧
叨分閫虛名面覺紅

次惠山鎮掛弓亭韻

暮暗邊城雪秋殘古塞楓胡山隔水近客
路出關窮地曠田宜粟兵強士尚弓憑危
欲何事聖世久懷戎

踰檢義嶺

重岡勝蜀道雲棧仰崔嵬落落神遊壯茫
茫眼界遙登天詎無路絕漢可成橋欲掃
陰氛盡晴看日出朝

端川東軒次圃隱先生韻

關山歲又暮鞍馬未能休漢月迷青海胡
雲暗白頭英雄無盡意宇宙幾經秋大節
鳴當世終歸土一丘

次北青東軒韻

城連烟水平山人畫圖成地僻常嵐翠簷
虛可月明野禽池上宿庭草雨中生詠到
梨花下關樽慰客行

次咸興鶴仙亭韻

萬家成巨府千畝僻良田遠水迷芳渚孤

雲淡碧天裘衣三月冷風上一方偏出塞
無吟伴相隨有短鞭

登長嶺望白頭山

晴登長嶺上一望白頭山骨立層霄外支
分大地間江源南北出雪色古今閑安得
騰身去胡氛掃却還

題雙清堡

南踰黃上嶺目暮到雙清隱几來山色開
窓八水聲孤忠難報主長路但勞生撫

連峯鬱四垠孤館鎖烟雲地曠村猶少關
重路自分方春無蜀魄不夕有山君坐夕
人聲絕寒窓倚半醺

送仁甫觀察嶺南

人事日千緒紛然相是非忘身惟母在許
國與心違已被當時誤應貽後世譏含懷
為誰語嘿嘿送君歸

成川西軒早起即景

客宿西軒裏晴朝梳白頭開窓看翠壁倚

檻得清流洒落非塵境依稀是夢遊沙鷗
亦何事故故近人浮

澄心堂韻

池清風不動端坐玩微瀾小島栽松古幽
泉漱玉寒引泉註池水
落石間故云日中花影正雨後
鳥聲乾豈敢塵纓濯唯應照肺肝

次博川韻

客舍墻遠野孤村路遶林崔崔雙嶺峙鬱
鬱萬松深樹底成幽趣風前發細吟祇慚

叨重寄空復費光陰

題六嶺新驛

鑿通移舊道此驛亦新成
翠嶽四山擁喧
遶衆壑鳴峽行穿雨濕窓
卧伴燈明蜀魄
不知歇哀啼到五更

再次仁風樓韻

樓影深深倒波聲遠遠聞
斜陽萬里客長
笛一江雲眼閱胡山盡區
從鴨水分依然
出西塞鞍馬舊將軍

次渭原壁上韻

烏道重關險人家古堞殘
崩騰西走水突
兀四圍山邃谷看天小
淒風覺地寒前林
多霧氣應有豹成斑

西院樓送千秋使權景遇書狀官洪春
年

此日西樓上新涼生晚吹
衰年少親暫別
路動傷悲野望通高柳
秋容明遠陂雙旌
過浮碧能記醉歌時

出山過淳熙院

畫角出松蘿橋間聞逝波高峯仰面見危
壁側身過幽澗綠苔合暮山紅葉多歸途
帶新月滿袖尚烟霞

次宣川東軒韻

八載曾遊處依然使節過烟林隱城郭難
大開村家野曠行人少波清飛鴨多高軒
坐到夜海月送寒華

有感書寄黃海監司洪明仲

官高不知足才劣祇招充退欲求農圃行
將問水丘相如方患渴范老漫懷憂夜夢
隨林下窓明愧白頭

遊引虎臺贈僧

幽尋入緲濳高步陟龍庭夜雨添雙瀑晴
天露萬峯橫琴坐苔石把酒賞雲松嗟我
尚塵骨憐渠癯鶴容

碧團鎮次金政丞克成韻

一水天成塹孤城虜所衝地偏多墾石士

勇搃彎弓 聖主方懷遠將軍不喜功猶
憂生纓易籌策興誰同

次秦川東軒韻

壯志身將者流年水自東危驂凌塞路病
眼怯邊風重國無籌策輕生有劍弓交陽
投古館花落一庭空

送李府尹復古赴全州

世事有難見公行夫豈徒唯當吾職盡不
是 國恩孤推却一堂樂陶成萬室娛

人知敬慕嗟我未全愚

立巖集卷之二



